



書汪柯庭詩前

讀柯庭先生詩咸驚異其才之工且速余讀之數  
過則不特驚其才而淡相其心閑而竊事神清而  
有水停之盛也夫閑則有餘於性情故樂與書游  
而見益博識益高有所寓于目竊不得于心有所  
得于心竊不永于言如環如輪觸之而動動而不  
窮于變化故其出也敏清則不滯于物欲凡聲色  
玩好金玉珠犀瑇瑁錦綺極人間所艷日陳于前  
而概不足以關其慮獨于天地古今可喜可愕可



悲可樂可憑弔可揚讚者彙不畱連興感若衡若  
鑑若止水臨之而輒照照之而覩其微挾其奧故  
其擇也精夫敏則速精則工固其才之所自來乎  
抑知其心神所自來也若乃心易馳而能閑神易  
淆而獨清柯庭蓋埒于古之不累于有者也余竊  
附古之不累于彙者也則其淡相而得之也固宐  
餅山弟項奎拜藁

桐川僻壤近每多出俊人土著彙論矣其寓公之  
能詩者籍籍稱汪家兄弟四方之士操羔鴈而至

幾彙虛日主人爛熳飛觴授簡必窮極倡酬之樂  
而後去所未致者宐山老居士耳然喜時時得讀  
君家兄弟詩春夏間連得鷗亭碧巢所寄茲復接  
柯庭古香樓彙爭奇競爽壓倒時賢旣本天分之  
優復深學問之力瀾瀾乎大雅之音真堪於詞場  
中高樹一幟且先生富於作述此特豹采一斑猶  
未窺其全也或謂先生行將入仕恐於斯道漸疎  
不知此可以律庸人不可以概才士况幕下有工  
詩之客相爲鼓吹卽欲捐棄吟事其可得乎僕穎

雖禿尚能爲先生序之瓣香菴主盛遠頓首藁  
柯庭先生桐谿廚顧也余嘗覽其詩集格律嚴整  
風姿韶秀意其推敲當有若閬仙之凝思長卿之  
腐毫者乃曉廬張子爲余言柯庭才思穎捷下筆  
數千言立就擊銅扣鉢輒探驪珠夫一夕而賦瀟  
湘醉餘而詠名萼前史傳爲僅事以柯庭之文心  
振筆疾書俱臻神境才稱天授不信然乎往者藝  
圃之集余友吳蘭次自辰迄申得長短句四十首  
口不停吟筆森加點一時名流交相贊誦其在吳

興也度務若神應機剖斷退食之餘偕諸名士登  
臨賦詩茗中人稱風流太守柯庭將出而仕矣片  
言而決是非一見而識情僞文章政事相爲表裏  
余且於詩集徵之已魏里同學弟毛蕃拜題

凡文人下筆遲速始有天分長卿工而未速枚臯  
速而未工求其兼擅實難其人惟詩亦然有叉手  
而成或嘔心而得彼世所稱不避京尹忝入醋甕  
洵詩人中笨伯矣柯庭先生妙才天授每同人暢  
敘抽祕騁妍輒先脫藁余心愛其工復妒其速今

秋至止見其鋪箋搦管不能自休甫匝月耳所著  
裒然成集及細咀其格律風調竊不清新警拔又  
若苦心鍛鍊而成者噫異哉余生平不解作諛詞  
此不得不狂叫欲絕矣咎趙松雪正書分行布白  
今世所傳樂毅論等最佳學者疑其矜慎而出乃  
當時見者謂其疾如風雨頃刻百餘紙落筆如轉  
丸以視展硯齋主人庶幾類是橡林同學弟張光  
曙拜題

余與汪君柯庭交二十年矣今丙子秋因令嗣就

塾招同硯席每當燭輝酒醞琴飛月皎之時柯老  
對客揮毫長篇近體信口而吟才思泉湧甫及一  
月得百十餘首裒爲一集如入京圃觸目琳瑯令  
人發觀止之歎抑何敏且工也咎人吟安斷髭與  
夫踏阮墮塹而後成篇以視汪君遲速相去何如  
乎時同酬倡者有雲間張子曉廬而予則自媿夸  
父逐日瞠乎其後矣麻湖弟黃容題

讀書須具隻眼作詩必出己見二者余絜伏誦於  
吾虞二馮氏之言歷盡歲寒而弗敢忘也厥後浪

遊湖海才人志士邂逅良多巨軸長篇披覽非一  
然皆不能特立塵表未免爲風氣所宥耳柯庭汪  
子與余交最久而柯庭作詩之才藝讀書之識力  
俱能十倍過人每命一題下筆輒纏纏不休頃刻  
千百言恍若宿構引事能化腐爲奇叶韻能轉平  
爲險機變萬狀新新不窮譬猶孫武用兵臨濟說  
禪觀者聽者莫不爲之氣餒而其詩總皆俎豆于  
韓杜鼓吹於滁山玉局劔南石湖之間作者之能  
事蔑以加矣余不能言者然獨知柯庭之所自用

敢援筆識此璜涇同硯弟顧文淵書

古香樓集三卷雜體歌詩凡數百首柯庭汪子近  
在兩月間而成者珠璣落于筆端鍾呂奏于行墨  
大都蠟屐尋山銜盃問月之際錦箋乍擘叉手成  
吟藝林稱之咸以爲不易及也然吾聞柯庭筆任  
有日顧沾沾于詩筆豈以管之人功業盛者自必  
掩其文章不能忘其故步歟吾輩往來屐硯齋頭  
月夕琴朝談鋒相拄或探心性之微或究古今得  
失莫不舉其綱要動中冑繁識其天資學力自不

猶人詞章一道乃其餘事耳今日者偕此翰墨消遣壯懷三復茲編淋漓情至胸中有物必吐之而後快則自今以往登臨感慨山川之奇麗鸞鳥之細微爭來古錦囊中而不可却矣况淡于詩者得于溫柔敦厚之教亦所以爲化民成俗之方也長洲同學弟俞瑄拜題

丙子小春張子曉廬携汪司城柯庭近詩及墨蘭畫冊相示詩類春雲畫同燈影精能之至返近自然爲之三歎咎人鼓琴作梅花弄聞者疑有暗香

張長史草書點畫麤具而意態自足知此意者可與言詩并可與言畫乃曉廬又言柯庭賦性高邁日坐古香樓中觀書之暇焚香炙茗摩挲古法書名畫縈心萃至則相與銜觴賦詩畱連不厭余益信其人其詩正復相合覺玉山清閔去人不遠沅有芷兮澧有蘭思公子兮未敢言不禁神往于梧桐鄉矣同里弟孫琮題于風溪之山曉閣

詩道之榛蕪也久矣自稱詩者日衆而詩日以漓往往視他人之咳唾以爲趨向正如淄澠並泛朱

紫相奪縱喧競互起曾未足當有識者之一呷也  
苟神情關乎山水則雖漫爾放筆胥見倫要安在  
刻意騁詞者矜獨尚乎余讀汪先生之詩泯泯乎  
情真而體婉音麗而節和况得於斯須之頃洵非  
易事古有攬筆而賦千言腹藁而號心織者卽以  
此方駕何多讓焉佗日登車攬轡瞻琴鶴之清風  
案牘之暇定能不廢嘯歌世之含毫鎮日而累句  
偏多者視先生之詩不滋愧乎哉武水魏儒勳拜  
手具藁

敘

詩一也而有古詩近體之異時雖異而淵流雲俊  
金相玉質則同體雖異而氣經詞緯文從字順則  
同顧習于狎而荒於畏五七律絕世有童而學焉  
者三言四言以及三侯五噫旁而通之者則尠矣  
夫以爲卿雲南風可篇摹而句擬國風小雅可影  
步而形趨者此其人非迂則愚也然習流於熟爛  
畏生於瑟縮將聖遠賢高而曰禮豈爲我設乎法  
周隊列而曰竇之有可由乎此其人非庸則弱也

余以爲專於今者未必宜於古而專於古者未必  
不宜於今詩文自命存乎人之持擇焉已爾夫詩  
至少陵止矣而流觀古體奉先之赴彤庭寒女賦  
斂之餘悲也北征之詠翠華金闕忠愛之遺志也  
莓苔青於玉殿瞻彼橋陵風雨影於瑤池感茲零  
水新安石壕之暴瘞子單孫新婚坐老之別痛腸  
乾髓長松蒼鼠玉華之石馬蕭條怪石啼猿九成  
之棟梁離立鐵堂丹谷之奇秦州遠發石櫃白沙  
之勝同谷長征園瓜畦稻宛爾關風雞柵水筒依

然神界以至畫馬青驄萬里之雲亂踔角鷹義體  
九天之風下坐鍾記室所謂驚心動魄一字千金  
者千古上下豈獨十九篇而已哉迺吾觀晉之學  
杜者韓得其排宕柳得其幽峭溫李得其藻麗雅  
瞻而歐陽公以聖俞爲李杜王介甫以子瞻有少  
陵氣象朱少章謂山谷致少陵之渾成謝疊山謂  
后山與少陵爭衡然則學詩者以少陵爲質的其  
猶百川之歸大海與新安汪子季青自桐川函示  
新詩索余敘余得而讀之有諷有刺亦風亦雅隱

章秀句朗出天外而其古詩離奇卓詭令人目不  
及眎耳不給聽虯龍虎豹不能與之攫也其淡於  
少陵之學者乎嘗聞東澗先生之論杜曰世祖修  
高廟文公賞從臣言至德之代迎新主入廟賞蜀  
郡靈武功臣也鋪陳唐史累幅難盡而以十字談  
之其敘事簡妙如此不聞夏殷衰中自誅褒妲言  
馬嵬事也直指其非則失歸美其君之義先之以  
事別古先繼之以高光明哲其忠厚婉折如此具  
此手眼以讀杜而杜乃可學爾敢以爲季青告且

爲世之學杜者告焉季青詩朱子長孺序之詳矣  
長孺固習於先生之說者也請以余言質之其以  
爲然否重光作噩之歲嘉平廿有五日虞山陸貽  
典敘

排漢室... 卷之三... 序... 吳興多佳山水... 烟樹蒼蔚... 顧渚諸山... 四方之士... 名其堂曰... 與汪子唱... 徵書再下... 日意未嘗... 潘序

序

吳興多佳山水自卞山達於故鄣谿行四五十里  
烟樹蒼蔚箬箭羅生所謂上下若谿者也其鳥瞻  
顧渚諸山與陽羨相連林壑尤淡秀以其地僻遠  
四方之士罕至休陽汪子季青築別業讀書其中  
名其堂曰擣藻之堂歲在戊午余客斯堂者半載  
與汪子唱和詩近百篇樂其山川將結鄰以隱會  
徵書再下不得已舍去之都門遂畱至今春秋佳  
日意未嘗不在茗雪間也今年春汪子書來貽余

所刻集且曰爲我序之余惟詩之用博矣詩人所處之地亦不一而在山水間者恒工何哉蓋詩之爲道猶斲輪然甘苦疾徐寸心自得意境未合沈思獨往寂無端倪及其有會操筆疾書如兔起鶻落少縱卽逝故非夫精神專一用志不分者莫能造於工惟其閑居而壅處內無所沮外無所役宇泰定而天光發乃能與自然之籟相遭今也馳乎埃壒之區膠膠擾擾應接之不暇支離牽綴以爲詩膚澤具而神不偕來其爲工也幾何矣汪子年

甚少資甚高才甚美宐其於世間可嗜好之事日夜追逐如弗及乃其中恬然一切紛華靡麗不能動其性情已自殊絕而又屏居深山無人事之擾心閑而志一於以牢籠萬物之變態發摠遺俗之胸懷浩乎沛然其詩之工又何疑焉余居京華忽忽四載應酬牽率過輒焚藁歲得詩不能當山居十三而汪子之詩雲蒸泉湧愈出而愈無窮吾能無退避三舍猶幸其名在仕籍不得久臥林藪則其於詩將無因地而遷乎然吾聞有道之士雖訓

醉萬端而神慮湛然不易其所守其在朝市猶山林也如是則汪子之詩吾又無以測其所至矣  
康熙壬戌仲秋同學弟吳江潘耒撰

摘藻堂續藁卷一

休陽汪文柏

巖山

蒼崖閎靈奇萬象已包蓄何年斲鰲背開鑿分巖谷其巔插青冥其根拔地軸巘嶸相蔽虧鱗朐辨重複或如熊虎蹲猙獰駮羣族或如鸞鵠翥翼張爪猶伏或如神祇來遠蹈巨靈足或如兵甲鬪列陣森旄纛或利如劒鏃或細如箭鏃或如手版迎或若危檣矗雲霞紛異狀變幻多迅速陰洞芝草

生陽崗桂凝馥潛蛟窟古潭俊鵲巢喬木幽竇吐  
鳴泉淙琤韻金玉雲梯杳難攀微逕遵詰曲跛牂  
試登頓扶掖賴僮僕林樾見丹爐石房祕金籙中  
栖挂瓢翁頽然鬢雙禿茶瓜共清談雞黍仍止宿  
仰視衆鳥歸暝烟帶脩竹因言茲地僻勸我構茆  
屋仙人不可見石上畱碁局

霍山人子秋家於此  
崖右有仙人洞碁盤

### 罨畫谿

嘗聞罨畫谿夙昔本佳境龍葱樹木稠夾岸色交

併古榦走虬龍懸藤汲脩綆楂朽半紫落拳曲多  
怒癭陽春忽敷花錦繡蒙其頂鳥鳴雜以幽石貺  
峭而猛仰聽颼颼聲俯窺玲瓏影迤邐溯潺湲往  
還便孤艇一從兵甲動陵谷變俄頃喬木無殘枝  
初聞斧聲靜張颿了無礙刺眼莫重省經過事已  
遷弔古懷逾騁雲歸野渡荒猿嘯石林迥沙鷗宿  
葭茨寒魚依藻荇彎跽蓬底坐颯沓天風冷緬想  
昔詞人招提面蒼嶺風流不可作誰共論箕穎詩  
卷獨長畱溪山與之竝

唐錢起讀書於此今  
清果寺其故址也

次韻酬郭臯旭沈南疑過訪

一谿成詰曲孤樹老槎牙人繫重來權燈開昨夜  
花論交俱異地過酒自鄰家博得詩名在何須感  
鬢華

遣興二首

野情原卓犖詩格喜聾牙坐上尊傾螳燈前筆吐  
花半瓢那挂樹一葉可浮家謝却紛埃好逍遙玩  
物華

懶癖嵇中散知交鮑叔牙養生須餌木閱世等飛

琴龍劍悲塵市貂裘付酒家故人貽尺縈迢遞自

京華

時朱竹垞有劄

懷文織較書一首

鸞簫吹紫玉猩拍點紅牙袖暖霑香暈詩新蘸墨  
琴瓊漿分綺席瓊奏本仙家悔別藍橋路雲山繞  
夢華

瓣香樓小集用東坡韻

谿雲旋起日沉西水檻芹香燕子泥自有軒窓供  
眺望未妨雞黍待招攜松花舊釀牀頭拆桐葉新

詩硯北題脫帽論心竝知己醉餘應擬玉山齊

用前韻送家仲兄之茗上兼懷叔兄在吳門

朝來分袂小橋西屐齒緣隄印淺泥紅藕香中人  
獨去白蘋波外酒堪攜筠筒織翠郵新札苔壁籠  
紗認舊題更憶姑胥臺畔柳客遊踪跡竟難齊

重過初地菴訪文可師畱贈二首

躡屐重來日柴門一徑紆稚松今偃蹇新竹又蕭  
疎歲月清吟裏茶瓜野興餘相尋尊宿少令我更  
躊躇

閉門真世外十笏遠風塵漏盡登初地心開轉法  
輪坐看馴鴿下行愛晚雲親何日幽懷遂還將白

社鄰

次韻吳孟舉卽席分賦得簷字

翠密桐陰覆短簷小窗風定雨纖纖歌傳白苧琴  
前度酒泛紅螺燭下拈墨瀋暗飛香染袖篆烟輕  
駐影侵簾當筵莫把更籌數促坐畱髡興未厭

送余亦陶遊黃山口占四絕句

千里良遊興未窮風流禽尚好相從巾車蠟屐世

閑日採取黃山六六峰

者松百尺倚青冥飛瀑琮琤響雪亭一誦淮南招

隱賦知君世媿草堂靈

藥徑丹臺取次攀青鞋布韞歷屨顏他時貌得黃

山返百疊芙蓉片幅間

苦恨神交識面遲吳根越角幾相思未緣把袂傾

談劍猶自挑鐙寫贈詩

期謝文侯張穆之兩丈不至

海內畱耆舊天涯散旅愁丹青同討論風雅牽追

遊已埽羊求徑仍虛李郭舟滄江新漲穩若處片

颿畱

庚申二月得兪鹿牀先生訃同家兄設奠桐

谿艸堂爲文以哭之旅農有詩志其事次

韻二首

淚灑西州意愴然椒漿桂酒列堂前青山森復逢

徵士碧落誰能致謫仙跡隱雲林矜晚節交淡縞

紵憶忘年典型牽未隨凋謝架上刪詩賸幾編

鹿牀

彙選宋金元詩尚未付梓

何年化鶴返江邨，幾樹梅萼表墓門。

將謀葬鄧尉山看梅處也。

未到吳鄉遙設奠，欲憑楚夢爲招魂。曩時月旦曾

推許，此日碑銘可定論。點檢艸堂圖繪裏，同遊今

復幾人存。

戊午秋有艸堂雅集圖，樵李徐初鄰四明毛績宣、吳門盧九芳諸子皆已奄逝。

### 過昭慶寺宿文空上人坦菴四首

最憐山翠與湖光，寢寐猶教意不忘。卻笑浪遊曾

數過，萼殘來宿贊公房。

晚來衝雨款柴荆，愛爾談溪物外情。松火熒熒光

閃壁，茶鐺聲寂候蟲鳴。

小窗孤燭夜淒其，敬枕詩成懶未題。世那鄉心回  
曉夢半樓殘，月亂峰低。

竹架芸籤甲乙分，名賢墨妙總紛紜。才思自愧曾

焚研，那有瑤華更贈君。

案頭有諸名賢書贈墨跡十餘冊，因出索題。

### 十一夜同家兄泛舟至湖心亭作

孤舟凌浩渺，萬頃瀉銀河。草際吟蟲出，亭中爽氣

多。星光沉遠澈，柳影濯清波。幽賞耽今夕，回橈一

放歌。

### 舟至茅家埠

湖頭鷓鴣船輕槳易爲撥  
况逢新霽好十里澄波  
滑賞心唯兩人佳興不可遏  
風來菱芡香雲起峰巒  
巒沒入港漸縈紆舉頭縱軒豁  
叩舷一放歌清響激林末  
平生厭喧囂塵鞅此焉脫

過靈隱寺二十韻

捨舟登寶地地理策訪名藍  
新霽幽禽悅微涼野客  
眈日高風乍息草濕露仍含  
徑轉迷藜篠橋迴識  
古楠湖雲能作雨崖氣忽成嵐  
白石尋趺坐青松接塵談  
三車真善誘五蘊得淡叅  
教已通儒墨宗

猶辨北南瓣香觀舍利半偈誦瞿曇

時訪山日師觀粵東送至

舍利子水下蓮萼滿經繙貝葉函  
毒龍還制盃怖鴿

謾依龕瓜沁冰漿冷茶烹玉乳甘  
激湍流汨汨灌

木影穆穆

冷泉亭畔有掌羅樹數株相傳昔有禪師從西域移植今他處所無

積靄

凝如黛高標插似簦遙峰難徧歷  
邃壑且窮探

欲登

天竺不果裴回飛來峰下樵客曾看奕  
山童輒解擔興來催獻

詠勝絕豁憂悒法侶投溪麓  
疎鐘隔小菴迷方情

更遠覺路道世慚薄暮忘言際  
清光月印潭

玉泉寺觀五色魚

南齊僧曇超說法於此龍王來聽爲之撫掌出泉有

魚數百頭中一種  
翠藍色者尤奇

柳陰百尺闌干曲石梁寒漲搖新綠  
斷雲低捲藕絲風翠鬣紅鱗鏡中伏  
凭欄俯瞰見珍奇盤旋圓鯽鯉  
粵肥龍宮偷琢女媧石錦段碎擘  
天孫機不數寶刀兼玉尺楓葉鷺  
毛并騰擲皆魚名吹粵逐影似浮空  
一種拖藍暈淡碧何因微服雪為  
鱗復歎棄濤血點額此魚雖小豈  
偶然目眩明霞映波射衲僧罷講  
歸何處老龍撫掌畱奇跡濠梁之  
樂兩心閒倚樹微吟未忍還蒲牢  
乍吼波光靜驚落池

邊月一彎

茗上喜晤張鐵橋二首

武林方解袂茗上復相迎  
山好重舒眼潭溪每寄情  
囊空人磊落劔冷歲崢嶸  
千樹羅浮雪應添客寢清

銅狄摩挲久何人問歲星丹砂誠可學  
墨妙已通

靈

江文通有丹砂可學賦

屈指推耆舊論心重典刑相逢無

定處尊酒慙飄零

贈潘霞山

韓康真避世託跡匪巖阿鬢向愁邊白顏從醉後  
醜長鑱尋上藥短筑助悲歌儻未嫌疎慢茅齋  
數過

月夜

雨晴重見月孤客坐中宵巖樹淡棲鶻江門遠落  
潮影斜蛩響急涼入燭琴銷掩卷空搔首憑誰破  
宋寥

遣興

用拙真吾分謀生怪世情雲林疎杖屨歲月老柴

荆謝客身多嬾耽書眼倍明北窗新睡起聊遣一  
壺傾

和答仲兄二首

離索經旬獨醉眠谿頭結屋小如船弟兄判袂懷  
今夕賓友聯牀話昔年竹過短牆初解籜落緣空  
徑欲鋪錢讀書奉母真佳事早儼躬耕負郭田  
小窗坐久撥書眠柳岸蟬聲憶別船縹緲雲山成  
兩地頻仍水旱接三年露涼葵滑堪充饌谿漲魚  
多不計錢詩罷鈎簾凝望處芳塘荷葉碧田田

次韻懷比玉

白首松雲穩獨眠。畫谿閒日弄漁船。蘭臯結佩追  
陳跡。桂檻携尊訂隔年。嘗約看王園木樨几淨好臨脩楔  
帖。囊空難索撰碑錢。老農每怪頻憂歲。底事荒蕪  
到硯田。

次韻寄天隨

山中瑤草日芊眠。谿上桃華待穢船。約明春再訪邨居袖  
手看基嗟往事。撚髭臨鏡歎流年。時從縣吏輸魚  
稅。月給園丁養鶴錢。聞說幽居生事足。況逢新雨

熟瓜田。

世題次韻二首

鸚鵡窗前喚曉眠。琴晨中酒怯觥船。曲闌歌闋愁  
如海。半帳香銷夜似年。春向蒲塘移畫鷁。寢隨柳  
岸駐連錢。仙家藥杵猶難得。那覓人間種玉田。  
下簾閑倚繡牀眠。琴影如移書畫船。字寫落箋縈  
別緒。香畱薇露惜芳年。王孫幾費纏頭錦。俠客頻  
輸博進錢。縱使微波通密意。蓬山清淺隔桑田。

遣懷次韻二首

壚頭酒美縱酣眠。漫浪身如不繫船。緱嶺吹笙王子晉。江南度曲李龜年。從知世胄空縻爵。自笑儒冠豈值錢。好種木奴供歲給。南山何用豆萁田。  
琴間蜨寢繞高眠。寶劍淡沉笑刺船。長怪水萍真浪跡。須知社櫟竟天年。山中欲問登仙訣。世上徒矜使鬼錢。背郭隱居聊種秫。祇營一稜舍傷田。  
陸魯

池荷

翠蓋方高擎。亭亭出清水。荷萼取次開。絢爛如霞

望詩我本曾無一稜田

綺微風動。頗黎影亂。搖窗几。珍簟挹清芳。霏霏未云已。主人日長閑。懷抱淨無滓。彈琴出游魚。洗琰酌佳士。有時誦道書。隨意竟數紙。因思噉名者。奔走塵埃裏。世味等嚼蠟。幽居足甘旨。池萼亦可愛。風致天然美。坐待秋風生。紅房拾蓮子。

雨窗雜詠十首

金閨亭畔草萋迷。酒榼詩瓢任爾攜。一帶綠楊遮

宿雨。墊巾還過白公隄。

懷鐵橋遊吳門

一別音書竟杳然。袈裟知泛聖湖船。何當拂袖從

師去坐倚松根聽石泉

聞體師往武林

儼事山人白兔公一丘一壑意何窮紫芝同采蒼

崖露況愛秋來食晚菘

霍子秋山人年八十四嘗招予隱巖山

一擢荷香判袂初汀烟江樹總愁予新詩似鬪天

孫錦十幅魚箋慰索居

七夕得犀月同叔兄倡和詩

山中風味寄將頻最愛松琴麩餌新攜向書堂須

飽喫勝炊石子飯仙人

天隨以松花麩為饋來札有仙家作石子飯之語

忽聽山陽短篴鳴詩篇空在若為情小窗刻燭渾

如昨愁對西風說老成

偶檢故篴得鹿牀分韻諸什

幾念連枝隔遠途輕風細雨臥菰蘆每當琴月增

怡悵翻使聯吟共酒徒

叔兄謂兄弟分處每值花月之夕與朋侶倡酬為多

高人相對一尊銜別路蕢風透葛衫却望黏天秋

浪穩半江斜日送征颿

送仲兄偕崔兔牀之桐溪

龐眉鶴髮齒彌尊文酒風流興尚存今日月湖閑

檣擢白沙翠竹認柴門

過月湖訪方鷗餘先生

賣文為活本良圖處士名高道不孤從此愁來開

卷讀快如搔背遣麻姑

寧都魏叔子以詩文集函寄

寄霍山人

重訪俄經歲風光似指彈樓開脩竹裏徑裊暮雲  
端孤鶴隨身老羣峰逼坐寒釣臺探古蹟秋思滿

漁竿

山人居近陳武帝釣臺

夜坐

砌蛩幽咽露華涼客省秋懷一倍傷葉葉梧桐驚  
落盡放他新月到繩牀

陶器行贈荆谿陳鳴遠

荆谿陶器古所無問誰作者時與徐時大彬徐有泉泥沙  
入手經搏埴光色優與尋常殊後來多衆工摹倣

皆雷同陳生一出發巧思遠與二子相爭雄茶具  
方圓新製作石泉槐火鑿松風我初不識生阿髯  
尺綮來相通謂陳君其年也贈我雙卮頗殊狀宛似寒梅

嶺頭放平生嗜酒兼好奇以此飲之神益王傾銀  
注玉徒紛紛斲木豈意青黃文厥盒官窰畱款識  
香籛藥盃生氤氳數物悉見工巧吁嗟乎人間珠玉安足  
取豈如陽羨山頭一丸土君不見輪扁當年斲  
輪又不見梓慶削鐻如有神古來技巧能幾人陳  
生陳生今絕倫

十四夜同友人翫月時璠師亦至

天外新鴻破晚烟、小庭愛見月初圓、琴書瀟灑畱  
佳客、尊俎風流憶昔年、丹桂遲開逢歲閏、黃葵孤  
發占秋妍、紙牕坐久清輝滿、更好同參柏子禪、

中秋夜大雨招友不至作

惱人風雨故相仍、獨坐情懷冷似冰、天半雲淡藏  
皓月、巷南泥滑阻良朋、客愁那寄書千里、節物聊  
傾酒十升、斗轉參橫追往事、琴間顧曲記吾曾、

和犀月月夜見懷原韻

月映高梧帶數星、巖叟聊起步前庭、疎疎暗度空  
檐雨、點點旋移隔水螢、千里壯懷愁未寐、半窗涼  
影醉初醒、誰家夜靜鳴瑤瑟、無數霜鴻落遠汀、

秋夜次韻徐檠菴卽席之作

促席引盃俱勝流、烏絲小幅書蠅頭、井梧月上影  
初轉、庭桂露寒香更幽、甕下曾聞畢吏部、座中今  
識韓荊州、酒酣耳熱論當代、空歎軼才棲故丘、

魏叔子自禾城過訪信宿言別次韻奉酬

吳閫通檣柁來去、未經旬露菊難畱、客雲颿慣逐

人文工身就老。交晚意彌親。傾耳聆高論。挑燈那厭頻。

九日同謝文侯沈山子俞犀月浦傅功集裘杼樓次山子韻二首

未著登高屐。書樓喜共臨。窗留鴻影小。沙落漲痕深。望極思千里。吟餘惜寸陰。持螯能醉否。已爲縷橙金。

幽尋兼勝侶。谿路愛晴暄。風葉隨筇遠。霜萼照眼繁。歡情傾斗酒。雄辨累千言。物外諧清賞。曾非竹

肉喧

述懷二首

一年秋已老。強半閉門中。窗入衰衰雨。檐吹剪剪風。狂歌猶泛蟻。病臥怯聞蟲。底事慈闈遠。雲飛正向東。

物外容身懶。人來簡送迎。蘭因當戶翦。鴈以不鳴烹。計拙悲長缺。心閑對短檠。幽居聊爾爾。那更問時名。

寄贈龍華道公

清苔如練駕輕杯老衲攜香 御苑回卓錫珠林

鷲伏聽拈筭寶座鹿銜來山鳴石澗層冰裂徑轉

松門積翠開一遇卞峰猶夙契定知塵外有宗雷

和犀月冬夜志感二首 時有星異

譙鼓無聲夜沈寥橫空氛祲尙難銷遐荒羽檄頻

馳逐誰念蒼生半已凋

倚劔高樓對遠天中宵愁坐不成眠杞人憂抱真

堪笑北闕陳書有衆賢

題鮑公受爲子寫翫鶉圖四首

敢誇悟後入牢關酒肆淫坊不避嫌好似阿難遭

幻術世間贏得有楞嚴 阿難遭摩登伽女幻術所攝世尊因說首楞嚴經予

徵題贊故云

粒米難均起殺機苦爭酣鬪轉堪悲英雄也墮分

桃計聽取佳人語侍兒 鬪鶉鶉法先飼以米必用奇數彼此均啄餘粒兩爭

則鬪

一粒粟中藏世界可憐臥榻不容人誰能離此形

骸外貌得虛空是我真

形體虛空總不真驀然一覺現全身要知爭奪皆

餘粒處處原來是鬪鶉

雉城送周管谷浦傳功歸梅里

艸堂同硯客次第理歸橈屢墓還江郭尋詩過寺  
橋粲明沽酒肆風暝賣錫簫已識歸雲路遲君訪  
挂瓢

過王丹麓書齋畱贈

市隱疇能似微吟度曉昏詩名豔江國車馬溢衡  
門石丈凌幽檻禽言送晚樽暢懷時促膝滿室覺  
春溫

石屋洞

石子能炊飯雲根代結茅縱橫成廣廈安穩勝危  
巢氣聚溫如炕泉凝挂似膠琪師畱眷屬課誦日  
叟叟

煙霞洞

旭日升平楚煙霞出此中吹噓蘇地肺窈窕及鮫  
宮鍾乳凝雲白藤粲隔霧紅洞門猶未閉仙子可  
能逢

水樂洞

清音從水石仙樂四時聞洗耳來丹室題名破白  
雲形如蝸角遂韻入樹聲分定有山靈護金函貯  
祕文

郎當嶺

兜轎郎當頂盤空入翠微山高入影小春盡樹陰  
肥峽雨聞猿嘯林風壯虎威短亭堪息足處處有  
樵歸

南澗訪天竺禪師題松顛閣壁

尋僧南澗寺畱我坐松顛谷靜鳴遷鳥窗虛納漱

泉身從圓相入杖荷檝頭禪人境時俱奪巖壑落

午天

笠公方丈作圓光門戶  
有瀉仰宗旨之意乎

雲栖禮蓮池大師塔院

單提修淨業門徑勝諸方一宿留雲水長年足稻  
梁清規能約衆燈燄不傳光翠竹千竿好檀欒護

影堂

雲栖無法嗣釋子  
千人皆大師眷屬

龍井訪諦輝禪人不值

閒雲時出岫幽客晚經過蹟古因泉竇名傳在茗  
柯方圓庵已廢海岳字難磨時聽長廊下僧雛誦

貝多

懷許巢友

最愛南邨客臨流一艸堂  
蓼紅孤鷺白酒綠半盃  
黃醉弄穿窗月愁吟入鏡霜  
楷書今絕世時寄十三行

摘藻堂續藁卷一

摘藻堂續藁卷二

山滿樓歌為錢副憲舟壑賦

宦海幾人真倦遊有錢未作買山謀  
先生歸來無長物一錢不費山滿樓  
樓高百尺何年起迴絕風塵山色裏  
巋然古意見空曠不與浮雲鬪  
赧綺魏公夙昔曾經過榜額親題書  
擘窠滄桑幾歷猶無恙得非鬼物常  
搗呵樓額趙松雪所題亂後失去三十餘年今復合先生  
閑來每憑眺翠屏九疊爭迴繞尚父  
湖邊雲氣多齊女峰頭月輪小  
西城臺閣尤稱奇好手難將絹

縈移人間塵慮并消釋好景一樓天所私因思前  
輩品題妙奇琛隱現人誰知先生領客烟霞中俯  
眎得失如雞蟲日窮千里意已豁何須跨鶴凌長  
空我願先生重珍惜莫謾巾車并蠟屐當年湖海  
傲元龍今日蒼生望安石

送仲兄歸里次韻四首

張鐙快飲歡今夕鼓櫂尋春憶隔年

客春仲兄  
曾歸里舊

社雞豚歸錦里新晴等柳入斜川衝風自護貂裘  
暝琢句能銷鐵硯堅爲念先人遺業在敝廬三逕

竹翛然

憶管征途望眼迷肩輿伊軋度山蹊連邨亂後無  
機杼孤客生還厭鼓鼙養拙未能謀小築驚弦聊  
爲擇淡棲追思往事堪惆悵雨絲池塘草又齊

甲寅亂  
後離家

新年直以醉爲鄉日有賓朋坐滿堂臘雪水平挑  
菜渚早鶯聲到落萼房愁邊折柳情何限別後看  
雲意不忘歸去先塋親俎豆松楸成列已堪望  
別緒詩懷何所互塗鴉醉墨灑淋漓拂衣欲謝風

塵歎按劍還令道路疑莫信折腰甘蠖屈堪愁凍  
翼類蠅癡谿頭春色應相待脩禊歸來共把卮

讌集得銀字

高館燈懸綺席陳騰觚飛爵夜逡巡梅開水榭香  
如霧鱸薦冰盤色勝銀覓句謾思聽舊雨蹋歌猶  
憶動芳塵谿橋路滑人過少似覺吾家別有春

清明日叔兄邀同人郊外泛舟得過字

新烟搖曳緒風和羅綺晴洲映淺波樹杪流鶯翻  
麗曲陌頭坐柳鬪纖蛾尋詩蕭寺攜琴入挈伴斜

川蕩槩過不信看萼須火急春光取次恐無多

次韻寄蔣文從

尚湖風物最幽閑之子無營日揜關書帶翠分臨  
檻竹酒杯青漾隔簾山題詩已識頻叉手傾蓋何  
當一解顏爲惜江梅遲折寄巡簷空見綠苔班

春日招周簞谷沈山子兪犀月顧雪坡蔡遠

士過鶴言家叔兄遊峽山次和簞谷三十

韻

疎鐘催曉月錦纜拂萼梢對峙山形秀中分地勢

坳人家迷翠竹漁唱出青菱渺渺魚鹽市陰陰鶴  
鶴巢蕪平如罽織鶯倦學校拋逸興因春得高懷  
爲友教邊隅停走檄古戍但懸朔東作方祈社西  
疇羨樂郊靈芽抽紫莢嘉卉坼香苞乍霽攜輕扇  
微寒異折膠新妝多画鳥游女競飛髻寺遠通魚  
梵庭空闢草茅炷鑪烟靄散誦佛語音泮殿閣參  
差映林巒遠近包斑鳩鳴滑滑桑扈響交交簷鐸  
疑搖佩風旛若曳旂法筵猶伏象石鉢恐藏蛟碧  
澗落痕蝕蒼崖樹影捎幽尋多恂怳俗態總喧呶

曲磴松釵墜荒蹊獸迹跑閒情思贈縞遐望併揮  
鞘習尙雖云樂民風恐易勦無緣救飢溺何計解  
惓惓農事方占兆行踪莫問爻高樓聞遠笛深院  
隔哀匏剪韭供傾釀烹鮮進晚肴偏宐文字飲恰  
稱壑人庖快漿歸休促淡盃醉未休藤箋聊共寫  
柳瘦欲頻敲良會殊非易嬉游莫更嘲

無題次韻

繡閣俯暫碧飄颻白苧衫光聯雲母障香繞貝多  
函寶帶知腰痠瓊枝茁指摻蕙心常自懺綺語未

教芟金鑱憐蟲綴紅巾任鳥銜曲名新  
更譜觴政巧能監鬢影蟬空嘒  
釵頭燕亦喃增城猶命轡弱  
水不勝帆待月青羅幌移  
粵碧玉鑱露分仙掌潤  
泉異海波鹹注硯蟾蜍滴  
釘簾玳瑁嵌麝煤添小  
盒魚網伴芳槭鳳尾栽  
蒼峽龍團摘紫巖滄洲蛾  
似蜨梁苑鹿稱麋慧業應  
無兩塵緣莫近凡蓮宐  
君子患桃憎小兒饞霞氣  
迎高柳天風拂翠杉  
画橋成宛轉奇石似鐫  
劖望遠睂常蹙書懷手重  
緘飛黃徒號駿東郭本非  
龜對鏡新妝懶窺窻獨語  
日誠三生終可誓千里就  
憂讒

次答山暉師

贊老禪棲冷江干跡每疎  
無人能貸粟有鸛且傳  
書看月扶藜杖栽粵寄  
草廬未妨同野客來此  
問閑居

舟經湖汊用范石湖韻

雲山何周遭遠望靈秀結  
涼風水面來其間無六  
月獨擢蜻蜓舟颿駛浪  
堆雪菱葉雜荷粦渺渺  
連

天末穩坐信佳哉清流拋醉纈經過亦偶爾快意  
叫奇絕秋水富尊鱸霜螯況堪擘會須縱浮家一  
葉烟波濶

碧浪湖值順風舟行甚速

破浪憑風力蒼葭過幾重中流湧孤塔隔岸走羣  
峰沙石翻鼉窟烟雲盪客胸吾廬欣咫尺棹棹未  
聞鐘

雪谿道中晤徐子位二首

邂逅晴谿曲推蓬話別離各驚雙鬢改暫喜片颿

遲飛動看君意沉冥笑我癡禰衡懷刺字漫滅想  
多時

一櫂頻來往閑情狎壑鷗醫方曾徧試詩卷定長  
畱樹向前川合山於近郭稠吾宗有賢者埽榻待

南州

徐善軒岐之術  
時往子宗人家

偶作

數椽成小築髻几稱橫斜風擺疎籬竹霞蒸曲沼  
粲澆書銀不洛看画玉雅又晚倦聊支枕生憎聒

耳蛙

東坡謂晨  
飲爲澆書

題周荻書清森館

西風門巷晚鴉啼，十里山邨曲抱谿。蔭日琅玕開  
小徑，連雲擺榼帶平畦。蘭舟載酒邀人醉，藤榻堆  
書丛屋齊。叢桂東軒催埽壁，幽香狼藉待新題。

贈何相如明府

水部才華孰比肩，漢廷詞賦冠羣賢。西清視草終  
須待，東閣吟梅豈浪傳。花縣賓朋增卷軸，棘闈鐙  
火伴丹鉛。時方分校尋常巷陌秋風裏，但覺歌謠勝  
往年。

訪韓子蘧畱贈

長愛伊人水一方，蘋洲時過靜鳴榔。山林坐老詩  
懷壯，雲物逢秋客緒傷。虞氏祕書餘萬卷，謝家芳  
樹羨諸郎。論文此日稀同調，莫訝逃名類楚狂。  
訓仲兄懷予臥疾之作

頻年顛顛病維摩，只合安閑臥礪阿。藥裹易親詩  
句少，酒盃空廢旅愁多。虞卿異日書應就，潘岳今  
來鬢欲皤。寄謝阿兄相念切，冷侵姜被奈秋何。  
庭前桂樹萼發殊盛戲成短歌

淮南賓客不復作，  
馱桂空畱招隱篇。  
我居堂下列數樹，  
交柯接葉何連蜷。  
月中遺種豈易得，  
纍纍金粟秋風前。  
去年雨露苦不足，  
空煩抱甕移山泉。  
今年雨後土膏潤，  
熨童園容皆歡然。  
從茲粲發年復年，  
古屋幽香境自偏。  
況世車馬門徑寂，  
唯許鄰翁時往還。  
邇來却埽近一月，  
對粲始覺沉疴痊。  
時抱疾方愈摩揩雙眼坐盤礴，  
裁詩那復追前賢。  
百壺沽酒解青錢，  
大笑酪酏天機全。  
休歌短筑但慷慨，  
且舞紅袖真蹁躑。  
鼻觀粲香兩無隱，  
涪翁空縛罽狐禪。

叔兄將治別業於舍傍次仲兄韻先寄二首

柴荆謾設地無多，  
窄徑疎籬僂客過。  
預擬看粲穿綠齒，  
須邀試茗潑松蘿。  
半圍粉堞屏連幅，  
突起雲巒髻一窩。  
我亦城西開小築，  
輸君風致助清哦。  
予城

西之築庭砌偏仄不能植一粲木

每過園林笑口開，  
輞川幽築莫崔嵬。  
應延小閣畱賓住，  
更寫新詩覓菓栽。  
少陵有詣徐卿覓果栽詩隔水僧廬聞午梵，  
過牆谿月照秋落。  
尋粲問桺閑車馬，  
可似沙鷗日日來。

送筠士師游閩中次王顥菴宮贊韻二首

瓶笠蕭然鬢未凋，  
竭來杯渡趁秋潮。  
千林落葉紅霞少，  
兩袖新詩錦段饒。  
書報烟津傳海鶴，  
路迷雲嶠問山樵。  
武夸仙客知相待，  
一上峰頭賦沈寥。  
津橋話別柳容凋，  
小港波生識海潮。  
仙梵暫離蓮社遠，  
郵籤頻報水程饒。  
霜林夜坐披禪衲，  
壑寺晨炊拾墮樵。  
峻嶺入雲行百折，  
幾回驚寢俯寥寥。

筠士將赴吳中丞之約口占贈別

寺樓初寄錫短權，  
又催移欲向連江路。  
難忘開府

期幔亭雲鬢，  
鬢荔浦實坐坐定，  
有潮陽筆他時送。  
惠師

喜沈山子至作

今秋久苦旱，  
故人亦稀逢。  
何期值良晤，  
況在風雨中。  
別來聞臥疴，  
蕭颯鬢已蓬。  
迢迢一水間，  
每恨阻過從。  
賦詩甚矜貴，  
取意偏能工。  
清新斷垣句，  
一洗

綺艷空

山子有梅花高館落春草斷垣生之句人呼爲沈斷垣

當代論風騷

雅音宐所宗，  
何須雕肺肝。  
苦作囁嚅翁，  
同遊二三子。  
飄轉隨西東，  
竹垞羈宦迹。  
簞谷傷途窮，  
秋錦倚

馬才幕府依芙蓉，停雲情何限。魚雁殊難通，乾坤  
方浩蕩。絕塞無青烽，京華富才俊。羣萃蘭苕，叢朝  
爲長楊賦。夕奏甘泉宮，藝林各樹幟。壇坫相爭雄，  
君獨樂丘樊。頗有上古風，閉門究書史。高臥彌春  
冬，予亦幽栖者。癖性將無同，肯作波間鳧。寧爲礪  
底松，囊中有雙劍。寶氣連星虹，篝鐙且翦韭。聚首  
莫匆匆。

雪坡將歸虞山賦此以訂後遊

性癖難辭薄俗嘲，篝鐙魚獺老書巢。孟韓同調方

聯句嵇阮忘形合，定交顧渚春。回雙屐到吳江，葉  
落片颿捎分攜。莫爽尋僧約，待爾携琴入虎跑。

贈葉大令星期二首

文場縱眼困風霾，僞體憑君巨力排。種柳早能捐  
五斗，劔詩猶說徧千崖。星期曾訪黃山  
徧歷諸名勝閑穿松浪

雲埋屐，坐對楓天雁度齋。爲喜新交便情愜，欽崎  
歷落見襟懷。

銅墨寧堪試小邦，真如萬石噎微撞。東坡詩子歸  
守小國洪鐘宦途久歎塵汗袂，吟舍閑聽葉打窗。談笑雲

林蓮社遠從容雞黍鹿門龐吳淞春漲多蘋鯉錦  
字頻教付一雙

訪梁昭明太子讀書處

地僻古禪局曾聞鶴駕停簡編惟一過

史稱昭明讀書過目

皆碑碣已千齡茗水如雲碧吳峰入畫青至今長

夏夜猶見照書螢

題福田三石像

宋南渡時聞吳中有石佛欲迎至武林高宗問侍臣在何

處對以福田寺曰福田不宐減也遂罷

象教知多少蓮宮是福田得畱三石像不比漢銅

仙

鵠峙

吳興城南僻壤有石屹立若鸞鵠軒翥狀玲瓏  
透漏二紫藤交纏其間如蟠螭秦璽其一面落  
蘚侵蝕摩挲久之得篆文鵠峙二字并真書梁  
尚書沈約題等字知其地為沈東陽池亭故址  
也嗟乎古人不作城郭皆非獨此石經歷累代  
巍然猶咎咎豈偶然哉惜今埋沒榛棘中不復為  
好事者所稱賞感而作詩

太湖夜冷犁星沒水落山根露龍窟其中老石撐  
突兀洪濤激浪洗嵌空鬼斧神工鏤奇骨何年移  
傍茗谿雲雙藤天矯萼繽紛隱戾谷日爲稱賞題  
品重鐫古籀文環羅衆石作巖壑昂然鵠峙臨雞  
羣那知人世有興廢好事真難比前輩人民城郭  
總皆非荆棘銅駝久增慨我來見之喜欲狂摩挲  
百徧猶徬徨吁嗟秀質久埋沒何用按求萼石綱  
同姚子雍孝廉陪于勝斯郡丞遊白雀寺訪  
匡瀑師山房茶話卽事

飛蓋穿雲度寺橋上方茶話對參寥杉篁磨颯崖  
風落泉石舂撞澗月搖畫壁指看塵已暗齋盤攜  
薦筍初燒蹄鞍更比移舟好鼓吹聲中燈火遙

華及堂小集同賀天山叔度俞旅農萼義逸  
顧雪坡家叔兄分賦義逸明晨別去

觥船引滿夜陶陶遠客停艫不待招書架便從鐙  
下檢蔬盤昨向雨中挑梅邊斜月移虛幌林外殘  
更墮麗譙自此畱歡揀十日森煩折柳問河橋

次和天山

谿上春風到客筵，華門何幸辱高賢。光搖片月當  
杯滿，影落殘梅壓帽偏。揮灑共驚才絕世，拍浮須  
盡酒平舷。交遊大半多星散，一聽高歌意惘然。  
詩憶鹿牀有人琴之感

### 次和叔度

城陰暝色接江樓，竹下初陪二阮遊。投我佳篇探  
月脅，勸君新釀過牆頭。談清未擬呼盧醉，燭燼難  
邀墮珥畱。水部自來能好客，故交相遇總名流。

相如令君

謂何

### 次和旅農

桑麻自分老生涯，俗儉城荒冑務華。小徑敲扉傳  
刺字，淡谿停榜落寒華。歌殘伐木耽求友，聽徹曉  
鶉怕憶家。稍喜茅堂多唱和，玉山名勝更休誇。

### 次和雪坡

旗亭畫壁許先推，雅調須教海內知。桑落浮觴吹  
絲蟻，麥光鋪案界烏絲。丁東漏咽銀虬箭，燿燦鐙  
分火樹枝。良晤莫愁難再繼，臨流修禊有佳期。

### 次和叔兒

舍南卜築薤榛蕪，領客攜尊興未孤。曾念枌榆遲  
去魯，可緣蓴鱸久居吳。簷粵籠霧藏淡淺，漁火將  
星乍有竊。此日詞壇驚利器，爭看美玉試昆吾。

登昆山天游閣

一徑蜿蜒上峰頭，古屋牢孤僧延客立。驚鼠背人  
逃翠疊層厓，竹紅分遠岸。桃坐來鐘梵，宋松籟動  
雲璈。

渡太湖四首

震澤雄今古，茫茫歎禹功。衆流歸渤澥，一氣混鴻

濛泉室機鳴，雨山邨木亞。風何當追范蠡，生計五

湖中

吳都賦泉室  
潛織而卷綃

萬頃奔流壯，長年力未休。快憑雙槳打危遣，一帆  
抽白浪通鶯脰。青樽對虎頭，同舟有顧  
子雪坡莫釐兼縹緲，偏似兩蛾愁。

晚濟風何急，平湖雲氣昏。浪頭穿地底，日脚射山  
根。鳥陣隨天沒，漁舠隔浦屯。迷離煙火際，遠客問

前邨

當年陽羨道危坂，繞湖行馬首迎叢翠。杯中瀉一

泓日光浮水出雨點逐沙生誰識孤舟客經過憶  
遠征

過虎丘作

繁萼轉眼盡宮殿生荆棘千秋闔閭墳萼雨成淨  
域雁塔壓谿光講臺蒙樹色如何一拳石遊子紛  
如織末俗競笙歌閒情謝羈勒  
芒屨一來過感慨復誰識

登平遠堂書似雪坡

東吳地勝平如掌渺渺千邨雲樹間君自憶歸先

注望海濱寸碧是虞山

虎丘山房玉蘭二首

山房老樹半槎牙挺幹猶開十丈萼齊趁晴光停  
畫舫微風香裏度吳娃

山後萼開雪滿天濃香風逆徧山前遊人更上浮  
圖看指點還同玉井蓮

靈巖寺

只此是滄桑娃宮作道場當年曾響屨今日盛開  
堂松頂湖飛白沙根日剩黃短筇尋仄徑沿路有

粵香

靈巖古宮井

百丈吳宮井人疑笠澤通長年供衆汲當日洗妝  
紅豔色粵消雨禪心月在空偶來欄畔立幡影弄

微風

法螺菴

微徑斜沿渚旋行入法螺人如歸鳥盡我獨抱琴  
過步接鯨聲促門推竹色多烹茶畱客處山氣冷  
雲窩

贈吳漢槎

積雪峻嶒塞外山天教才子歷間關身羈萬里孤  
臣淚賦就三都兩鬢斑北闕有人憐死別南冠無  
恙又生還時清長侍潘輿好猶恐徵書不放閑

送悔齋叔祖奉使 冊封琉球

冰銜清望冠諸曹萬里揚颿賜錦袍鄴下文章承  
寵渥廣陵煙月擅風騷吾宗喜蔭高枝茂當代驚  
稱間氣豪 帝遣詞臣宣德意朝推偉器矢賢勞  
通經豈獨光鵷序柔遠兼煩藉豹韜青瑣上書申

典故 丹宸灑翰重封褒，銜恩遂指中山路。將命  
休疑碧海濤，繡蹙麒麟圍寶帶。旗分熊虎駕長艘，  
湍浮併覺星辰動。煙淨惟知斗極高，四顧總連雲  
渺渺。十洲何處水滔滔，扶桑曉日迎蘭櫂。南極薰  
風送綵旄，浪說島民仍黑齒。虛傳海邑近紅毛，梅  
花嶼外看姑米。龜鼈山頭望巨鰲，亭號迎恩遵禮  
法。門名歡會足遊遨，蠻王舞蹈瞻天仗。長史奔趨  
駕小舸，瑇瑁奩開攜画扇。紫螺杯煥進香醪，文身  
喜獲霑聲教。異域都應化桀鰲，豈向夜郎求芍醬。

寧須大宛貢葡萄，蒙麻魚鼈猶咸若。後至鯨鯢孰  
可逃，諭蜀并馳司馬檄。封侯還佩呂虔刀，越裳久  
矣來馴雉。西土猶然卻旅獒，絕島情形能入告。遐  
方題詠待揮毫，金泥玉檢同頒瑞。盧矢彤弓美建  
纛，計日王程暫分手。海天南望首頻搔。

題謝文侯爲余寫勘書圖小照四首

束髮貪書力未疲，雕蟲豈是壯夫爲。文園病渴難  
消遣，賴有丹鉛了歲時。

清簟琴罇已絕塵，小胥侍立捲書勻。誰言亥豕如

風葉倦眼幾堪較對頻  
災黎汗竹遞傳訛欲辨其如寡陋何嘗恐古人心  
迹晦遺文金石更揆羅  
幾年離索寓西吳曩日交游出處殊千里驗君圖  
畫裏分明散帙坐詩癯

題江邨漁隱圖

暮移蓬艇住谿灣沽酒江邨去復還兒女一家團  
聚好勞生長羨此翁閒

藝香山房題壁

閉戶空山裏微吟細雨中  
小庭疎滴翠濃樹間棲  
紅几滑堪臨帖簾輕自捲風  
茗爐煙一縷清話有僧同

夜坐

梧葉俱飄盡娟娟月挂林  
小瓶斑細蘄寒柝亂疎  
砧懷友杯難罄披衣夜向淡  
墨香開宋榻燈下寫來禽

曉寢得舞袖霜鐘一聯枕上足成之

體安忘枕簟意適樂衡茅  
舞袖隨雲散霜鐘帶月

摘藻堂續藁  
卷二  
詩。松陵延隱陸、石鼎挈寒郊、已悟全生旨、提刀笑  
族庖

視管軒寫景

檉影絲絲裏、微風沸亂蟬、垣低先見月、簾細不遮  
煙、酒美紅爲友、蕉濃綠作天、閑窗嘗薄醉、高臥枕  
殘編

摘藻堂續藁卷二

卷之二